

मस्तयुगु नितिं बाइबल  
न्हाव्वया

न्हापांगु इस्टर



चवमि: Edward Hughes

किपा: Janie Forest  
Alastair Paterson

न्हयव्व:म्ह: Lyn Doerksen

भाय् ह्यूम्ह: Mr. Prem Maharjan Newa

पिकाक: Bible for Children  
[www.M1914.org](http://www.M1914.org)

©2020 Bible for Children, Inc.

अनुमति पौ: थ्व सत्य बाखं सितिकं इना बीत जक थुकिया खँग्व:त कायेफु,  
अले छापय् यायेगु निंतिं अनुमति नं ब्यूगु ख: तर थ्व सफू ध्यबा कया मिइत मखु।



छम्ह मिसा तसकं खलबल जुया च्वंगु  
डाँडाय् दनाः च्वन, वयागु मिखां  
छगू ग्यानापुगु दृष्य स्वयाः  
च्वन। वया काय् सित्यंगु  
दु। माम्ह धाःसा मरियम  
खः अले व येशूयात  
क्रूसय नकि ताःगु  
थाय् लिक्क दनाः  
च्वंगु खः।





थव फुक्क गुकथं जुल? गथे  
जुया: येशूयागु तसकं बांला:गु  
जीवन थथे ग्यानापुगु तरिकां  
क्वचाल? गुकथं परमेश्वरं थ:

याक: काय्यात  
कूसय् नकि  
ताना स्यायेत  
बियादिल? छु  
येशूं छु गल्ली यानादीगु  
दु ला? छु परमेश्वर  
असफल जूगु ख: ला?





अहं मखु! परमेश्वर  
असफल जूगु मखु। येशूं छुं  
नं गलती यानादीगु मद्दु। दुष्ट  
मनूतय्सं थःत स्याइतिनि  
धयागु खं येशूं न्हापा हे  
स्यु। येशु मचाबलय् हे  
शिमियोन नां याम्ह बुहाम्ह  
मनुखं थ्व दुःखया खं  
मरियमयात धाःगु खः।




येशूयात  
स्याये छुं दिन  
न्ह्यः छम्ह मिसा  
वय्कःयाथाय् वया वय्कःया  
तुतिइ तसकं नस्वाःगु नाइचिकं  
प्वंकाः ब्यूगु खः । “वं द्येबा  
सितिं छ्वया च्वंगु दु,”  
धकाः चेलातय्सं कचकच यात ।  
“व मिसां तसकं बांलाःगु ज्या याःगु  
दु,” येशूं धयादिल । “वं थ्व ज्या जि सिबलय् याये  
माःगु ज्या कथं याःगु खः । गुलि अजूचायापुगु वचनत!



अनंलि येशूया झिनिम्ह चेलत  
मध्ये छम्ह यहूदां धोका  
बीतिनी अले स्वीगू वहःया  
कुचां वय्कःयात तःधंम्ह  
पुजाहारीतय्सं ज्वंकेगु  
क्वःछित।






यहूदीतय छुत्काराया नखः  
हंबलय यैशूं थः चेलातनापं च्वना  
नये त्वने यानादिल । वय्कलं इमित  
परमेश्वरया बारे व वय्कःयात माया  
याइपिन्त वय्कलं यानादीगु बाचाया  
बारय अजूचायापुगु खँत धयादिल ।  
अनंलि येशूं छिमिसं इना न धकाः  
इमित मरि व ख्वला बियादिल ।  
थ्व खँ धाःसा येशूया  
म्ह व हिं पापत  
क्षमा बीगु निंतिं  
लल्हाःगु खः धयागु  
खँ लुमंका बी ।





अनंलि येशूं थःत धोखा बीम्ह व चेलात बिस्युंवनितिनि  
धयागु खँ सीका थः पासापिन्त धयादिल। पत्रुसं जोर विया  
धाल, “जि बिस्युं वनेमखु।” अले येशूं धयादिल, “थौं खा  
हाले न्ह्यः छं जित स्वकः तक म्हमस्यु धकाः धाइ।





अनंलि वहे चान्हय् येशू  
गेतसमनी बगैंचाय् प्रार्थाना  
यायेत झायादिल।  
वय्कःनापं दुपिं चेलात  
न्ह्यःवय्का च्वन। येशू  
थथे धया प्रार्थना  
यानादिल, “बाः, ज्यूसा  
थ्व दुःखयागु रूवला  
जिथासं चीकादिसँ। अय्न्  
जितः यःथें यानादी मते,  
छितः यःथें हे यानादिसँ।”



आकाङ्क्षाकां मनूतयुगु छगू हूल व बगैंचाय् दुहां  
वल उकियात यहूदां न्ह्यज्याकूगु खः । येशू इमिगु  
विरोध यानामदी तर पत्रुसं छम्हय्सिगु न्हाय्पं  
चानाबिल । शान्त जुयाः येशू व मनूया न्हाय्पं  
थियादिल अले वयात लंकाबिल ।

वय्कःयात ज्वंगु परमेश्वरया  
इच्छाया छगू ब्वः खः  
धयागु खँ येशू स्यू ।




व हूलं येशूयात तःधंपिं पुजाहारीया छैँय् यंकल। अन  
यहूदीतय् नायःतयसं येशूयात स्याये हे मा धकाः धाल। पत्रुस  
लिकक च्वना च्यःतय्सं मि पनाच्चवंथाय् दना



येशूयात स्वया च्वन। मनूतय्सं  
स्वकःतक पत्रुसयात थथे  
धकाः न्यन, “छ येशूनापं दुम्ह  
मखुला!” पत्रुसं पा फया  
धाल “मखु।” येशू  
धयादी थें पत्रुसं थ्व  
खँय् वय्कःयात  
स्वकःतक  
म्हमस्यु धाल।




कु खुरी काँ आँ आँ



उबलय् हे खा हाल । व ला  
परमेश्वरया काय्नापं  
नवाना च्वंगु थें खः । येशूया  
वचनयात लुमंका पत्रुस  
हाँय् हाँय् र्व्वल ।





यहूदां नं पश्चात्ताप यात। येशू  
छुं नं पाप व अपराधया दोषी  
मखु धयागु खं वं स्यू। यहूदां  
स्वीकू वहःया कुचा लित बिल  
तर पुजाहारीतय्सं व लितकाय्  
मानय् मजू।





यहूदां व धेबा बँय्  
वांछवया पिहां वन  
- अले झुनय् जुयाः  
आत्माहत्या यात।






पुजाहारीतय्सं येशूयात रोमी  
बडा-हाकिमं पिलातसया न्ह्यःने हल।  
पिलातसं धाल, “जीं थ्व मूनयाके छुं  
नं दोष मखना।” तर भीडं तसलं हाला  
थथे धाल, “वयात क्रूसय्  
यख्खानाः स्याना छ्व!”  
“वयात क्रूसय् यख्खानाः  
स्याना छ्व!”





लिपतय पिलातसं भीडयागु हे खँ मानय  
जुल अले येशूयात क्रूसय् यख्खाना स्यायेगु  
अनुमति बिल। सिपाइँतय्सं येशूयात ल्हातं  
दाल, वय्कःया ख्वाल्य् थुकलं बिल अले  
वय्कःयात कोरं दाल। इमिसं तहाकःगु  
कं दुगु मुकुट दय्का वय्कःया छँनय्  
पुइकाबिल। अनंलिं इमिसं वय्कःयात  
सिया क्रूसय् नकि ताना  
यख्खाना स्यात।



येशूयात थः थुकथं सीमानि धयागु खँ न्हापा हे स्यु।

वय्कःयाके भरोसा याइपिन्त वय्कःया मृत्युपाखें पाप क्षमा  
हयादी धयागु खँ नं वय्कलं स्यु। येशूया निखे पाखें निम्ह

डाँकूत नं क्रूसय् यख्खाना तःगु दु।

छम्हय्सिनं येशूयात विश्वास  
यात अले स्वर्गय् वन।

मेम्हय्सिनं धाःसा  
विश्वास मया।



यक्व ई कष्ट नये धुंकाः येशूं  
धयादिल, “आः सिधल” अले  
वय्कः सीत। वय्कःया ज्या  
पूवन। वय्कःया पासापिन्सं  
वय्कःयात छगू थःगु  
हे चिहानय् थुन।



अनंलि रोमी सिपाइंतयूसं  
व चिहानया प्वाः तिना  
अन पा तयातल। आः  
अन सुं नं दुहां वने  
फइमखुत।



थन हे थव घटना सिधइगु जूसा  
गुलि दुःख लगय् जुइगु जुइ।  
तर परमेश्वरं छगू अजूचायापुगु  
ज्या यानादिल। येशू  
सीना तुं मवन।



वा न्हापांगु दिनया सुथ न्हापां  
येशूया छुं चेलात चिहानया म्हुतु  
प्वाःलय् तयातःगु तःग्वगु  
ल्वहं चीकातःगु खन।  
इपिं दुने दुहां वना  
स्वबलय्  
येशू अन म्दु।



छम्ह मिसा ख्वख्वं चिहानया  
लिकक च्वना च्वन। येशू वयाथाय्  
खने दय्कः वल! वं मेपिं चेलातय्त  
कं वनेत खुसि जुया ब्वाय् वन।  
“येशू म्वाःम्ह खः! येशू  
सीगुपारखें म्वानाः वःगु दु!”



याकनं हे येशू चेलापिन्थाय् झाल अले थःगु  
ल्हाःतय् नकि ताना तःगु घाःखु इमित क्यनादिल । व  
धात्थें हे खः । येशू हाकनं म्वानाः वःगु खः । वय्कःयात  
म्हमस्यु धकाः धाम्ह पत्रुसयात वयकलं क्षमा बियादिल  
अले वय्कःया बारे फुक्कसित कनेगु निंतिं चेलातय्त  
आज्ञा बियादिल । अनंलि वय्कः फुक्कसिनं खंक हे  
स्वर्गय् थहां झाल गनं वय्कः न्हापांगु ख्रीष्टमसया  
दिनय् झायादीगु खः ।





# न्ह्यापांगु इस्टर

मस्तयुगु नितिं बाइबलया खँ न्ह्यब्बेया थव परमेश्वनरया  
बचन बाइबलपाखें काःगु सत्य बाखं खः गुगु

मत्ती २६-२८, लूका २२-२४, यूहन्ना १३-२१

“छिगु वचन थुइकाबीबलय् जिमित जः दइ।”

भजनसंग्रह ११९:१३०



कवचाल



बाइबलया थ्व सत्य बाखं नं झी अजुचायापुम्ह परमेश्वरया बारे कनाबी  
सुनां झीतः दय्कादिल । छं वय्कःयात म्हसिमा धकाः वय्कलं इच्छा यानादी ।

झीसं मभिं गु ज्यात यानागु दुसा परमेश्वरं सिइका कायेफु गुकियात वय्कलं पाप  
धयादिल । पापया सजाँय मृत्यु खः, तर परमेश्वरं झीतः यक्वः माया यानादिल ताकि  
झीगु पापया नितिं क्रूसय् सीना दुःख कष्ट फयेत वय्कलं थः याकः काय् येशू  
प्रभुयात थ्व संसारय् छ्वयाहयादिल । हाकनं येशू प्रभु म्वानाः झायादिल अले  
स्वर्गय् थःगु छँ झायादिल । थौं झीसं प्रभु येशूयात विश्वास यात धाःसा झीगु पाप  
क्षमा यायेत वय्कःयाके बिन्ती यात धाःसा वय्कलं झीगु पाप क्षमा यानादी । अले  
वय्कः झीगु नुगलय् दुहांझायादी अनंलि झीपिं सदां वय्कः नापं हे च्वनाच्वनी ।

छुं जुयाः छं थ्व सत्या खः धकाः विश्वास यानागु खःसा परमेश्वरयात थथे धकाः  
प्रार्थना याः यःम्ह प्रभु येशू, छि हे परमेश्वर खः, जिगु पापया नितिं सीनादीत छि  
मनु जुयाः थ्व संसारय् झाल अले हाकनं स्वन्हु दय्काः म्वानाझाःगु खः धकाः जिं  
विश्वास याये । दयायाना जिगु जीवनय् झायादिसँ अले जिगु पापत क्षमा यानादिसँ  
ताकि जिं न्हगु जीवन काये फयेमा अले न्ह्याँबलें छि नापं हे च्वना च्वने फयेमा ।  
छिगु आज्ञा मानय् यायेत व छिगु सन्तान जुइत छिगु नितिं  
म्वायेत जितः ग्वासहालि यानादिसँ । आमेन ।

न्हिया न्हि थं बाइबल ब्वनेगु या अले परमेश्वर नापं खलाबला या । यूहन्न ३:१६

